
МОНГОЛЫН ЦАХИЛГААН ХОЛБОО ХК 2021 ОНЫ ЭХНИЙ ХАГАС ЖИЛИЙН ТАЙЛАН

КОМПАНИЙН ТУХАЙ

Монголын цахилгаан холбоо ХК нь 1921 онд “Шуудан бичиг, цахилгаан мэдээний ерөнхий хороо” нэрээр эмхлэгдэн байгуулагдсан, 99 жилийн түүхтэй, Монгол Улсын харилцаа холбооны салбарын ууган компани юм.

Компани нь 1992 онд “Монголын Харилцаа Холбоо” (МОНГОЛЫН ЦАХИЛГААН ХОЛБОО) компани, 1995 онд “Монголын Цахилгаан Холбоо” хувьцаат компани болон байгуулагдаж, бүтэц зохион байгуулалтын өөрчлөлт хийж байсан, Монголын Хөрөнгийн Биржид бүртгэлтэй нээлттэй хувьцаат компани юм.

Монголын цахилгаан холбоо ХК нь эрх бүхий байгууллагаас олгогдсон тусгай зөвшөөрлийн хүрээнд Монгол улсын нийт нутаг дэвсгэрт улс, хот хоорондын цахилгаан холбоо, интернэт, кабелийн телевиз, лавлах үйлчилгээг хэрэглэгчдэд хүргэж ажилладаг.

Монголын цахилгаан холбоо ХК нь Улаанбаатар хотын бүх дүүрэг, 21 аймаг, 290 гаруй сум сууринд үйлчилгээгээ хүргэн ажиллаж байгаа бөгөөд нийт 695 ажилтан, албан хаагчидтай үйл ажиллагаагаа явуулж байна.

Алсын хараа

Харилцаа холбоо, мэдээллийн технологийн өргөн сонголт бүхий үйлчилгээ үзүүлэгч, өрсөлдөх чадвараар салбартаа тэргүүлэгч компани байна.

Эрхэм зорилго

Харилцаа бүрийг холбоно.

Үнэт зүйлс

ХЭРЭГЛЭГЧИЙН ДЭЭДЛЭЛ:

- Бид хэрэглэгч бүрийг зочин мэт дээдэлнэ.
- Бидний бүх ажил ямагт хэрэглэгчийн төлөө байна.
- Бид хэрэглэгчээ танин мэдэж, хэрэгцээ шаардлагад нь өөриймсөг хандана.

ХАМТ ОЛОН:

- Бид бэрхшээл саадыг хамтдаа туулж, амжилт ялалтыг багаараа бүтээнэ.
- Бид өргөн мэдлэг, өөдрөг үзэл, бүтээлч хандлагыг эрхэмлэнэ.
- Бид зорилго, итгэл, урам зоригтойгоор ирээдүйг төлөвлөн бүтээнэ.

ХАРИУЦЛАГА:

- Бид ажилдаа эзэн байж, хариуцлагаа ухамсарладаг зарчимч байна.
- Бид хариуцлагатай байдлыг бусдын итгэлийг даах үндэс гэж үзнэ.
- Бид бүх нийтийн үйлчилгээний үүрэг хариуцлагаа эрхэмлэнэ.

БРЭНД НЭР:


- Бид “Монголын цахилгаан холбоо” хэмээх эрхэм алдрыг үргэлж дээдэлнэ.
- Бид компанийнхаа нэр төрийн илэрхийлэл гэдгээ үргэлж санана.
- Бид хэрэглэгч, харилцагч, хамтрагчиддаа компаниа үргэлж эерэгээр ойлгуулна.

Уриа үг

“Холбоо хөгжлийн төлөө хамтдаа”

Бүтэц зохион байгуулалт

Монголын цахилгаан холбоо ХК нь 2021 оны эхний хагас жилд Улаанбаатар хотын 4 бүсийн холбооны газар, Багануур, Налайх дүүргийн холбооны газар, 21 аймгийн холбооны газар, төв оффисийн 6 газар, 11 албаны бүтэцтэйгээр үйл ажиллагааг явуулж байна.



Хувьцаа эзэмшигчдийн бүтэц

Монголын цахилгаан холбоо ХК-ийн нийт хувьцааны 94.7 хувь буюу 24,499,287 ширхэг хувьцааг Монгол Улсын Засгийн газар, 5.3 хувь буюу 1,370,989 ширхэг хувьцааг Монгол Улсын болон гадаадын иргэн, хуулийн этгээд тус тус эзэмшиж байна.

ХУВЬЦАА ЭЗЭМШИГЧДИЙН ХУРАЛ

Монголын цахилгаан холбоо ХК-ийн 2021 оны Хувьцаа эзэмшигчдийн ээлжит хурал 2021 оны 4 дүгээр сарын 29-ны өдрийн 11:00-14:00 цагт цахим хэлбэрээр зохион байгуулагдлаа.

2021 оны 4 дүгээр сарын 09-ний өдрөөр тасалбар болгон бүртгэсэн 25,870,276.0 ширхэг хувьцаа эзэмшиж буй 3977 хувьцаа эзэмшигчдээс 24,500,642 ширхэг саналын эрх бүхий 11 хувьцаа эзэмшигч оролцож хурлын ирц 94.71 хувьтай байлаа.

Хувьцаа эзэмшигчдийн ээлжит хурлаар хэлэлцсэн асуудлууд

1. Компанийн 2020 оны үйл ажиллагааны болон санхүүгийн тайлангийн талаарх Төлөөлөн удирдах зөвлөлийн гаргасан дүгнэлтийг батлах тухай
2. Компанийн 2020 оны санхүүгийн тайлан, түүнд хийгдсэн хараат бус аудитын дүгнэлтийг батлах тухай
3. Төлөөлөн удирдах зөвлөлийн Аудитын хорооны санхүүгийн тайлангийн талаарх дүгнэлтийг батлах тухай
4. 2019 оны ногдол ашиг тараасан тайлан танилцуулах тухай
5. Төлөөлөн удирдах зөвлөлийн гишүүнийг чөлөөлж, сонгох тухай
6. Төлөөлөн удирдах зөвлөлийн 2021 оны зардлын төсвийг батлах тухай
7. Охин компани байгуулах тухай

Хувьцаа эзэмшигчдийн ээлжит хурлаас гаргасан шийдвэрүүд

1. Компанийн 2020 оны үйл ажиллагааны болон санхүүгийн тайланд хийсэн ТУЗ-ийн дүгнэлтийг батлах тухай асуудлыг 100 хувийн саналаар батлав.
2. Компанийн 2020 оны санхүүгийн тайлан, түүнд хийсэн хараат бус аудитын тайлан дүгнэлтийг батлах тухай асуудлыг 100 хувийн саналаар батлав.
3. ТУЗ-ийн Аудитын хорооны санхүүгийн тайлангийн талаарх дүгнэлтийг батлах тухай асуудлыг 100 хувийн саналаар батлав.
4. Төлөөлөн удирдах зөвлөлийн гишүүнийг чөлөөлж, сонгох тухай асуудалд кумулятив аргаар хамгийн олон хувьцааны санал авсан нэр дэвшигчдийг Төлөөлөн удирдах зөвлөлийн гишүүнээр сонгов.
Монголын цахилгаан холбоо ХК-ийн Төлөөлөн удирдах зөвлөлийн гишүүдэд нэр дэвшигчдээс кумулятив аргаар хамгийн олон санал авсан Г.Эрдэнэбулган, Т.Лхагвасүрэн, Ж.Цогтбаяр, Ч.Цэвэгдорж, Ц.Шинэхүү, М.Лхагважав нарыг Төлөөлөн удирдах зөвлөлийн ердийн гишүүнээр Ц.Норовжамц, Ж.Тамир, Ю.Бат-Эрдэнэ нарыг Төлөөлөн удирдах зөвлөлийн хараат бус гишүүнээр 2021 оны 4 дүгээр сарын 29-ний өдрөөс тус тус сонгов.
5. Төлөөлөн удирдах зөвлөлийн 2021 оны зардлын төсвийг батлах тухай асуудлыг 100 хувийн саналаар батлав.
6. Охин компани үүсгэн байгуулах тухай асуудлыг 100 хувийн саналаар батлав.

ТӨЛӨӨЛӨН УДИРДАХ ЗӨВЛӨЛ

Хувьцаа эзэмшигчдийн хурлын эзгүйд компанийн бизнесийн үйл ажиллагааг удирдан явуулахтай холбоотой асуудлыг шийдвэрлэх компанийн эрх барих байгууллага нь Төлөөлөн удирдах зөвлөл байдаг. Төлөөлөн удирдах зөвлөл нь 9 гишүүнтэй, тэдгээрийн гуравны нэг (1/3) хараат бус гишүүн бөгөөд ердийн 6 гишүүн нь төрийн өмчийн төлөөллийг хэрэгжүүлдэг.

Монголын цахилгаан холбоо ХК-ийн 2021 оны Хувьцаа эзэмшигчдийн ээлжит хурлаар Төлөөлөн удирдах зөвлөлийг шинэчлэн байгуулсан бөгөөд Төлөөлөн удирдах зөвлөл нь дараах бүрэлдэхүүнтэй байна. Үүнд:

ТУЗ-ийн дарга



Т.ЛХАГВАСҮРЭН

Төрийн өмчийн бодлого, зохицуулалтын газар, Төрийн өмчийн удирдлага, зохицуулалтын хэлтсийн мэргэжилтэн

ЕРДИЙН ГИШҮҮД



Г.ЭРДЭНЭБУЛГАН

ЗГ-ийн хэрэг эрхлэх газар, Хууль, эрхзүйн газар, Засгийн газрын референт



Ж.ЦОГТБАЯР

СЯ, Санхүүгийн шалгалтын дарга

СХЭУГ-ын хяналт хэлтсийн



Ч.ЦЭВЭГДОРЖ

Хөдөлмөр нийгмийн хамгааллын яам, Төрийн захиргаа, удирдлагын газрын дарга



Ц.ШИНЭХҮҮ

Төрийн өмчийн бодлого, зохицуулалтын газар, Төрийн өмчийн удирдлага, зохицуулалтын хэлтсийн Төлөвлөлт, хөрөнгө оруулалтын албаны дарга



М.ЛХАГВАЖАВ

Төрийн өмчийн бодлого, зохицуулалтын газар, Төрийн өмчийн хяналт шалгалтын хэлтсийн мэргэжилтэн

ХАРААТ БУС ГИШҮҮД



Ж.ТАМИР

Төр засгийн үйлчилгээ эрхлэх газрын дарга



Ц.НОРОВЖАМЦ

Интер аудит ХХК-ийн гэрээт аудитор



Ю.БАТ-ЭРДЭНЭ

Завхан баялаг ХК-ийн Гүйцэтгэх захирал

Төлөөлөн удирдах зөвлөл нь Аудитын хороо, Цалин, урамшууллын хороо, Нэр дэвшүүлэх хороодтой үйл ажиллагаагаа явуулж байна. Төлөөлөн удирдах зөвлөлийн бүрэлдэхүүнд өөрчлөлт орсон холбоотой Төлөөлөн удирдах зөвлөлийн дэргэдэх хороодыг шинэчлэн байгууллаа. Хороод нь дараах бүрэлдэхүүнтэй байна.

ТУЗ-ийн Аудитын хороо:

Хорооны дарга - ТУЗ-ийн хараат бус гишүүн Ц.Норовжамц;

Хорооны гишүүн - ТУЗ-ийн ердийн гишүүн Ж.Цогтбаяр;

Хорооны гишүүн - ТУЗ-ийн хараат бус гишүүн Ю.Бат-Эрдэнэ;

ТУЗ-ийн Нэр дэвшүүлэх хороо:

Хорооны дарга - ТУЗ-ийн дарга, ердийн гишүүн Т.Лхагвасүрэн;

Хорооны гишүүн - ТУЗ-ийн хараат бус гишүүн Ж.Тамир;

Хорооны гишүүн - ТУЗ-ийн хараат бус гишүүн Ц.Норовжамц;

ТУЗ-ийн Цалин урамшууллын хороо:

Хорооны дарга - ТУЗ-ийн хараат бус гишүүн Ж.Тамир;

Хорооны гишүүн - ТУЗ-ийн ердийн гишүүн М.Лхагважав;

Хорооны гишүүн - ТУЗ-ийн хараат бус гишүүн Ю.Бат-Эрдэнэ.

Төлөөлөн удирдах зөвлөлийн үйл ажиллагаа

Төлөөлөн удирдах зөвлөл нь жил бүр хэлэлцэх асуудлаар ерөнхий төлөвлөгөө боловсруулан ажиллаж хэвшсэн бөгөөд 2021 оны эхний хагас жилд 4 удаагийн хурлаар, 14 асуудал хэлэлцэхээр төлөвлөснөөс гүйцэтгэлээр 5 хурал, 13 асуудал хэлэлцэж шийдвэрлэлээ. Төлөөлөн удирдах зөвлөлөөс нийт 11 тогтоол, 6 тэмдэглэл гарган хэрэгжилтийг ханган ажиллалаа.

Төлөөлөн удирдах зөвлөлийн хороодын хувьд Цалин, урамшууллын хороо нэг удаа, Аудитын хороо гурван удаа, Нэр дэвшүүлэх хороо нэг удаа тус тус хуралдаж санал, дүгнэлтээ боловсруулан Төлөөлөн удирдах зөвлөлд танилцуулсан байна. Аудитын хороо 2020 оны жилийн эцсийн санхүүгийн тайлангийн талаар дүгнэлт гарган Төлөөлөн удирдах зөвлөл болон Хувьцаа эзэмшигчдийн ээлжит хурлаар танилцууллаа.

ҮЙЛ АЖИЛЛАГААНЫ ТАЙЛАН

МЦХ ХК нь 2021 онд компаний тогтвортой хөгжлийг хангах, менежментийн үйл ажиллагаа, дотоод харилцааг сайжруулах, техник технологийн шинэчлэл хийх чиглэлүүдэд зорилт тавин ажиллаж байна. 2021 оны эхний хагас жилийн байдлаар үйл ажиллагааны төлөвлөгөөний гүйцэтгэл 70%-тай байна.

Тус компани нь аж ахуйн нэгж, өрхийн хэрэглэгчид рүү чиглэсэн шинэ бүтээгдэхүүн үйлчилгээ хүргэх, өндөр хурдны интернэтийн хэрэглээг нэмэгдүүлэх, одоогийн хэрэглэгчдээ суурин утасны Сингл багц, интернэт үйлчилгээтэй хосолсон Дабл багцын үйлчилгээ рүү шилжүүлэх, шинэ хэрэглэгчдийн тоог нэмэгдүүлэх зорилгоо ханган ажиллаж байна.

Салбарт эзлэх байр суурь

Монголын цахилгаан холбоо ХК нь Монгол Улсын хэмжээнд 23 аймаг, 4 бүсийн хэрэглэгчдэд үйлчилгээгээ хүргэж байна. Дэлхий дахинд болон манай улсын хэмжээнд үүсээд

буй коронавируст халдвар (Ковид-19)-ын цар тахлын энэ үед зах зээлд эзлэх байр сууриа хадгалан, өмнөх оны мөн үеээс хэрэглэгчдийн тоогоо бууруулахгүй хадгалж үлдэхийн тулд холбогдох арга хэмжээг авч ажиллаж байна.

Томоохон үйл явдал

Компанийн ашиг орлогыг нэмэгдүүлэх, үйлчилгээний цар хүрээг тэлэх, шинэ бүтээгдэхүүн, үйлчилгээг нэвтрүүлэх зорилгоор Эм Ти Си Сервис ХХК охин компанийг үүсгэн байгууллаа.

Эм Ти Си Сервис ХХК нь дараах чиглэлээр үйл ажиллагаа явуулна. Үүнд:

- Төлбөр эсвэл гэрээний үндсэн дээр хийгдэх бөөний худалдаа
- Төсөл хөтөлбөр хэрэгжүүлэх
- Мэдээллийн технологийн үйл ажиллагаа зэрэг болно.

Компанийн үйл ажиллагааны тогтвортой байдлын тайлан

Техникийн өргөтгөл, шинэчлэлт:

- Улаанбаатар хотод 22 GPON, орон нутагт 47 GPON-ийн төхөөрөмжийг ашиглалтанд оруулав.
- Найрамдал салбарт 64 POTS, 32 VDSL хэрэглэгчийн MSAN төхөөрөмж суурилуулан шилэн кабелийн төгсгөлийн холболтыг хийснээр энэ чиглэлийн интернэтийн хэрэглэгчдэд өндөр хурдаар, найдвартай тасалдалгүйгээр үйлчилгээг ашиглах боломжтой болсон.
- Хонхор чиглэлд сувагчлалаар болон агаараар шилэн кабелийн өргөтгөл хийн өндөр хурдны интернэтийн үйлчилгээ үзүүлэх боломжтой боллоо.

Хэрэгжүүлсэн төсөл, хөтөлбөрүүд:

- Өрх бүрт шилэн кабель хүргэх FTTH сүлжээ байгуулах ажлын хүрээнд 21 аймгийн төв, УБ хотын орчимд Тэрэлж, Багахангай, Хонхор, Гүнт, Санзай, Сэлбэ чиглэлд шилэн кабелийн өргөтгөлийн ажил хийгдэж байна.





- Харилцаа холбооны салбар үүсэж хөгжсөний 100 жилийн ойд зориулсан борлуулалтын орлогыг дэмжих хөтөлбөрийг Улаанбаатар хот, орон нутагт 23 аймгийн хэмжээнд хэрэгжүүлэв.

Өрх гэр болон албан байгууллагын хэрэгцээнд бодитоор туслах урамшуулал санал болгон, харилцаа холбооны бусад үйлчилгээтэй харьцуулахад хамгийн боломжит тарифаар үйлчилгээгээ хүргэн ажиллав.

НИЙГМИЙН ХАРИУЦЛАГЫН ТАЙЛАН

МЦХ ХК нийгмийн хариуцлагынхаа хүрээнд суурин утас ашигладаг Улаанбаатар 4 бүс, орон нутгийн 23 аймгийн нийт өрхийн хэрэглэгчиддээ сүлжээ болон минут харгалзахгүй ярих боломжийг олгосон юм. Энэ нь нийгэмд эерэг байдлаар суурин утасны үйлчилгээг хоногшуулах, сурталчлах, ашиглалтыг нэмэгдүүлэх давуу талтай байсан.



Коронавируст халдвар (Ковид-19)-ын цар тахалтай тэмцэх үйл ажиллагаанд дэмжлэг үзүүлэн МЦХ ХК нь 2021 оны 04 дүгээр сарын 03-ний өдрөөс өөрийн эзэмшлийн авто машинууд, ажиллах хүн хүчээр дэмжлэг болон Улсын онцгой комисс, Нийслэлийн онцгой байдлын газруудтай хамтран ажиллаж байна.

“Цусаа бэлэглэж – Амьдралыг тэтгэе!” сайн үйлсийн донорын аяныг 11 дахь жилдээ зохион байгууллаа.



САНХҮҮГИЙН ТАЙЛАН

ОРЛОГО ҮР ДҮНГИЙН ТАЙЛАН

/Сая төгрөг/

№	Үзүүлэлт	2020.II	2021.II	Өсөлт/Бууралт
1	Борлуулалтын орлого (цэвэр)	8,737.8	7,992.2	-745.6
2	Борлуулалтын өртөг	7,296.9	6,970.8	-326.1
3	Нийт ашиг (алдагдал)	1,440.9	1,021.3	-419.6
4	Түрээсийн орлого	429.3	380.1	-49.2
5	Хүүний орлого	234.5	159.1	-75.4
6	Бусад орлого	20.6	30.7	10.0
7	Борлуулалт, маркетингийн зардал	567.3	602.8	35.5
8	Ерөнхий ба удирдлагын зардал	1,439.9	1,216.7	-223.3
9	Санхүүгийн зардал	40.9	25.5	-15.4
10	Бусад зардал	217.1	183.3	-33.8
11	Гадаад валютын ханшийн зөрүүний олз (гарз)	20.7	0.0	-20.7
12	Татвар төлөхийн өмнөх ашиг (алдагдал)	-119.1	-437.1	-318.0
13	Орлогын татварын зардал	23.4	15.9	-7.5
14	Тайлант үеийн цэвэр ашиг (алдагдал)	-142.5	-453.0	-310.5

Хувьцааны ханшийн статистик



Нэгж: Төгрөг

НОГДОЛ АШИГ ТАРААСАН ТАЙЛАН

Монголын цахилгаан холбоо ХК-ийн Төлөөлөн удирдах зөвлөлийн ТУЗ-ийн 2021 оны 02 дугаар сарын 18-ны өдрийн 166 дугаар хурлаар компанийн 2020 оны цэвэр ашгаас нэгж хувьцаанд 1 (нэг) төгрөг байхаар тогтоон ногдол ашгийг мөнгөн хэлбэрээр хуваарилахаар шийдвэрлэж 2021 оны эхний хагаст багтаан ногдол ашгийг тараалаа.

Ногдол ашиг авах эрхтэй хувьцаа эзэмшигчийн нэрсийн жагсаалт гаргах өдрийг 2021 оны Хувьцаа эзэмшигчдийн ээлжит хурлын бүртгэлийн өдөр байхаар тогтсон бөгөөд Хувьцаа эзэмшигчдийн ээлжит хурлын бүртгэлийн өдөр буюу 2021 оны 04 дүгээр сарын 09-ны өдрөөр тасалбар болгосон нэрсийн жагсаалтад 3,977 хувьцаа эзэмшигч байсан.

Нийт бүртгэгдсэн хувьцааны тоо 25,870,276 ширхэг бөгөөд үүнээс 1,370,989 ширхэг хувьцаа эзэмшиж байгаа 3,976 хувьцаа эзэмшигчдийн ногдол ашгийг "Үнэт цаасны төвлөрсөн хадгаламжийн төв" ХХК-аар дамжуулан хувьцаа эзэмшигчдийн төвлөрсөн хадгаламжийн дансанд, Төрийн өмчийн эзэмшлийн хувьцаанд ногдох ногдол ашиг 24.49 сая төгрөгийг Төрийн сангийн дансанд тус тус шилжүүллээ.

Монголын цахилгаан холбоо ХК
2021.08.03